


倉十二代詩選

九十八



漢書門類		
三七四	五	號
一九七	函	架
一四二	冊	架

內閣文庫		
三九	函	架
三七四	五	號
一四二	冊	架

內閣文庫		
番號	漢	3745
冊數	142 (100)	
函號	319	25

明詩七
九十八

明詩七
九十八

九十八



糊などで貼り付けられている部分がめくれない箇所あり

嘉溪世稿小序

淺草文庫

陳棖字叔剛以字行登永樂辛丑進士預修

三廟實錄改翰林修撰陞侍讀克經筵講官

歸省卒于家有網齋集十卷列八錢文通公溥

序之稱其詩坤和瞻麗各極其體之妙而文則

紆徐典雅如正人端士動循矩矱有德者之言

也弟棖子熾

棖字叔紹亦以字行正統進士第拜監察御史

出按應天諸郡嚴明剛重為時所稱終湖廣按

歷代詩選

明義溪世稿 卷七十八

一

祝

毅齋集
察副使沒之日橐無餘貲同僚為經紀其喪有

熈字文耀網齋冢子也天順庚辰進士拜監察御史督北畿學政以嚴肅稱陞江西按察副使歷右布政銓曹屢薦為都御史不果既卒轉浙江左布政彭惠安公韶誌其墓謂其靜重整暇有澄清四海之志文章典雅妙翰墨善吟詠片言隻字人寶惜之

義溪世稿小序

終

石倉十二代詩選

明詩卷之七十八

網齋集

大明

閩縣陳 棖著

後學曹學佺閱

題金臺宴集

彈冠別鄉井欣然際時康都門集簪組展席開華堂笑談屏聲伎貴介辭金張怡怡桑梓會藹藹情好長維時屬冬敘朔雪飄天芳列坐不惜醉獻酬亂飛觴酒酣發長歌餘音遶雲梁壯志遂孤矢青年俱奮揚安能守閭巷刺刺兒女行

心遠亭

幽興在南山何須遠城郭閉自謝喧囂冥心寄
寥廓簷楹多白雲杳靄生林薄日出羣峰明巖
傾百泉落況乃濯塵纓投閒事耕鑿機忘沙上
鷗趣愜松間鶴亦有柴桑人來同林下酌始信
昇平時煙霞有餘樂

送陳進士徽仲歸三山

挾策獻閭闔光輝垂萬言況茲恩寵優得以榮
鄉園白日昭錦衣翩翩出都門良辰集冠蓋出
庭開華樽谷鳥韻繁絃林花吐晴暄傾杯未及
醉僕御戒行軒知君登臨興客路風光繁適意
無久留高堂人倚門

耕讀軒

屏迹謝紛擾幽居帶川原蕭然無餘蓄竹素開
南軒新雨隴頭綠晨興起柴門抱鋤薙荒翳聊
以護苗根息勞憇古木散帙披羣言古今數千
載起伏一何繁殘編未了了暝色集墟村坂草
飯黃犢西禽驚復喧歸休茅簷下列坐共兒孫

曷以慰渴飢濁酒盈芳樽優游此卒歲干祿非
所論

題耕樂軒卷

溪田無旱澇里居復亢爽耕作勤朝昏耨耘辭
鹵莽草豐牛犢肥壤沃桑麻長西城幸有秋隣
舍互來往卒歲既無虞濁醪時共享怡然農圃
談閒卽成幽賞悠悠天壤間豈復慚俯仰

爲謝良翰題玉山草堂

眾壑結蒼翠一峰凌紫雲傳云昔達人於此遊
步氣山空無鶴馭石老空苔紋之子構草堂長
年慕清芬松風夜謾謾蘿月秋紛紛種木緣古
崖翻書落香芸門無俗客到榻許山人分茲晨
鳩鶚薦遠謝麋鹿羣爲赴蒼生期奚慚北山文
公餘睇舊隱雲氣還氤氳

題菊庄卷送鮑先生歸安成

幽居屏紛豔眷此岑菊妍風霜正高寒粲粲黃
金錢寒芳稱隱心掇英制頽年昔仕非不榮今
還操彌堅傍舍送濁醪日入同醉眠白雲南山

來此意俱悠然遠與玩物初冥心希昔賢願此
晚節生白髮任垂肩

爲候縣丞題山水圖

危峰海上來蒼然數千里倏值靈氣鍾雲屏望
中峙崖傾泉影明谷靜天聲起似有仙人居樓
臺翠微裏霞想結空濃塵心濯流水三秀知幾
榮丹丘此中是我憶南宮人翩然蛻泥滓別墅
黃山秋柴桑宛相似歸期石上同野酌松邊
引睇東南雲緘情寄雙鯉

松坂清逸

亭亭萬松林別構僅容膝席陰無冬春簾翠自
朝夕主人愛松風靜聽意自適清吟到夜分明
月在中鳥是非曠不聞煙霞已成癖我有小山
謠期君謝閒逸黃鶴遊青冥汗漫不可卽

題雲臥山房卷

養疴臥空林白雲在幽墅一片澹悠揚相看若
儔侶度溪鷗外閒濕雨簷間聚欹枕契無心席
陰對忘語有時松飈吹長空忽輕舉恐爲他山

歷代詩選
留掀簾重延佇

爲李司訓題松竹圖

雙松有古意傲兀歲華永根摩崖石堅翠拂雲
泉泠長風振濤音華月度皎影泮上咏歸餘閒
清契弘景

題琴樂卷

誰鑿爨下桐具此絃上音悠然資至樂況乃禁
邪心拂几奏流水清風滌煩襟鍾期去已遠此
意猶在今名軒日相娛珍重若璆琳遙知微軫

知此樂還復深

題香九老圖

鑿翠開香山梯巖架石樓旣忻功業成遂卜林
泉幽解帶依遠松濯纓臨清流灘鳴八節水雲
度羣峰秋昔當元和時屢進忠讜謀側聞移病
後白雲已盈頭醉吟喜自適山水足夷猶況逢
諸老翁良時同退休命觴愛傾倒取樂諧唱酬
共保龜鶴齡寧隨麋鹿遊高名宇宙間陳迹委
榛丘丹書幸可托撫卷仰前修

分水關

名關控東南屹立翠微表遠吞吳越雄俯視甌
閩小綠蘿翳關門洞口徹昏曉大道抗浮雲征
車出飛鳥行行望故山蒼翠猶未了試問出關
者棄繻今多少

賦得蒲鞭送鄭希玉出守寧波

鞭朴古教刑豈必傷膚肌末流恣慘酷尋常視
瘡痍卓哉南陽守編蒲以代之責過示恥辱安
用箠楚爲微物不盈握仁風浩無涯餘馨播青

只百世猶可師使君領郡符出牧東海隅臨民
慎推恕前修以爲期

夜發別故人

晴雪天始寒離筵醉長夜百壺未盡傾雙驂已
晨駕前林多暝色倏爾陽光射輪蹄破餘靄欲
發還驚訝豈不眷舊遊嚴程少餘暇雲山幾萬
重日極成悲咤欲識別後懷微鍾白門下

賦得平陽懷古送鮑參議之任山西

河山空表裏今古稱名區霸圖隆晉業民俗自

歷代詩選 明陳叔剛
堯都土型啓儉嗇衣裳化恬愉陵谷有變遷神
功永涵濡至今千載下不與遠昔殊君行佐雄
藩覽轡發長途繭絲謝紛擾惠澤恒覃敷訪古
增感慨觀風緩馳驅登高應有賦寧愧古大夫
爲潘惟深題松陰獨坐圖
盤石翳懸蘿飛流下層巘抱琴何處來心與孤
雲遠衆鳥天際還林光澹將晚爲愛松風清坐
來不知返

題獨善齋詩卷

投老返齋居辭榮息羣慮閉門寡儔侶聊以欣
暇豫琴冊於我親江山足詩助有時攜短筇獨
往舊遊處林端倦鳥還溪上閒雲去適意恒自
知悠悠向誰語

諸友夜集得光字

燭短易見跂情多須盡觴
夜良旣蒙眷顧惠又枉金玉章情文發葩藻蓬
篚餘輝光顧慚瓦爍几黍綴珠玉榜願言久遠
好毋替茲夕長

又得途字

世人重得志忻戚在須臾寧知齊王瑟不博王
門竿一鼓不見賞歛容居皇都卷舒若浮雲何
必增煩吁出門望故山綿邈萬里途片帆掛春
雨秋水肥江鱸軒裳非不榮綵衣足懽娛朱絃
實更張勿謂知音無

賦得梅林送歐陽廣哲之河南僉憲

浮光梅林今有無崇岡複磴尚縈紆長淮襟帶
列巨屏蚌港控扼稱名區何年此地花千樹

綠飄香歲將暮雪暗渾疑庾嶺巔月明却訝羅
浮路托根曾是老風霜名表山中歲月長中州
形勝推巖邑穎蔡河山接近疆栢臺憲節舉惟
日絃詞洋洋藹千室鐵石無遺作賦材甄陶好
採調羹實況君文采當代奇登高弔古應能詩
公餘驛使如相遇寄我煩君折一枝

送盧質中分教韶州

逢君瀟江船西風白雁新涼天送君薊門道殘
雪初消春信早浮雲聚少散還多握手臨岐別

歷代詩選
奈何解貂醉我壚頭酒擊斝爲君席上歌君才
浩若春江水肯學腐儒老桑梓千人奪雋郗詵
賢百里鳴琴魯公治美錦初裁奈數奇幾年流
落怨江離心將往事如春夢髮逐流年換素絲
竭來鸚鵡辭丘壑何限香名動寥廓吐論應披
錦繡胸承恩又振韶陽鐸秣馬匆匆向我辭御
河冰泮正流澌柳條霜脆未堪折笑解吳鉤贈
別離扁舟此去經淮楚梅嶺天高限南土斷碑
芳草曲江詞落日青山武溪渡弔古憑高休說
慊青氈半榻足徜徉知君別後能相憶莫道南
天無雁翔

江南曲送周員外歸廬陵

江南路出長干口萬井千村種花柳華髮星郎
錦作衣畫船槳鼓逐潮歸莫言慣識江南道一
度經過一回好岬上樓臺臨水開吳姬白苧曲
新裁商人棄金如棄土百萬壚頭換歌舞香飯
炊粳食有魚家家無事但閒居江南風景良不
惡不是少年行亦樂請君後夜泊舟時更聽吳

兒唱竹枝

賦得黃鶴樓送林嘉亨之岳州通判

黃鶴高飛度瀛海青山閒掩危樓在樓上年年
鶴雀飛黃鶴不歸今幾載畫棟峨峨入碧空四
時雲霧鎖簾櫳銀濤洶湧江聲遠夢澤蒼茫楚
望窮隔波樹色漢陽渡芳草洲空福衡墓百年
詞賦未淒涼兩岬江山尚如故千里之官賦勝
遊樓前訪古暫維舟登高不用多留詠崔顥詩
成在上頭

帶湘樓

雁峰飛飲平湖水喬木千章隱珂里阿誰樓上
構樓居自是元龍舊孫子百尺平臨萬頃秋雲
光霞彩湛悠悠柳條掩映鳧鷖集螺黛參差島
嶼浮主人賞起塵境盡日凭欄學清隱一榻
芸香散帙餘半窗月色鈎簾近暫赴天書便乞
歸肯將簪紱換荷衣機心自信渾忘却鷗鷺相
看總不飛星星秋髮流年晚物表高居迹尤遠
蝶夢俄驚地下醒鶴化何年樓上返度閣牙籤

手澤留後人重此業弓裘登樓每動高山仰酒
泪長沾宿草秋舊家文獻今如昔合族比隣盡
逢掖拂雲高扁儼若新客至壺觴更終夕笑予
水木忝同源固始南來幾葉蕃千年譜牒猶聯
系十載萍蹤未款門德星燁燁層樓上永夜相
望發惆悵扁舟何日繫湖灣爛醉樓頭續漁唱
春日同諸公登烏石山飲天香巖分韻得

衆字

十年客裏鄉山夢此日山前駐飛鞚展步寧論

磴道危芳遊最喜簪纓衆老衲供茶出寺門廣
文飲客開銀甕臺上天香作雨飄花間好鳥知
時呀半空寶塔入煙雲十里臺江橫蟠竦風光
入眼塵慮清觴酌催人語聲哄捫蘿更陟凌霄
巔訪古還探宿猿洞摩巖細辯舊題名苔封篆
古難成諷酒闌起舞興轉酣懊憾夕陽飛鳥送
歸來城市已昏鐘明日塵蹤行倥偬

神景禪林

樓閣中天起名山隱大千曇花春作雨貝葉暝

歷代詩選 明陳叔剛
生煙松冷僧歸定庭空鳥悟禪洪祈栖隱近知
爾謝塵緣

鳳凰仙島

羽駕來何代仙丘號鳳凰竹林枝不實丹竈草
生香往事餘陳迹空山半夕陽卜居殊未遂引
睇遠相望

禹穴煙霞

神穴流傳久煙霞杳靄間靈蹤迷近遠洞府隔
塵寰曉結松邊暝晴依鳥外閒平生懷古意何

日一躋攀

剡曲扁舟

大雪漫溪路良宵返棹時故人無宿約幽興有
誰知岬澗青山在波搖白鳥移年年放船者誰
復古今期

題漁樂卷

鳴榔惟取樂罷釣懶維舟淺水黃蘆外涼風野
渡頭醉來閒棹月歌起不驚鷗時約乘槎侶同
爲汗漫遊

次陳通守舟發臨清至直沽韻

衛河東去遠今古是安流
小店沙邊市連橋柳
外舟幸聯文酒會稍解別離憂
薄暮雲帆發真成汗漫遊

又

析木城邊泊浮萍客裏身
夜深潮赴海巖色草
迷津望闕欣天近推篷見月新
勝遊殊未倦況與故人親

挽陳簡討嗣初

綠棹吳門日驚逢屬纊時
懷人空有淚晤語更無期
落月留塵榻淒風起總帷
案頭遺藁在讀罷不勝悲

題百牛圖

華山歸牧後南畝釋耕時
大地郊原衍方春水
草宜功成無裊載力剩
向驅馳飲澗遙呼犢
羣亂度陂烟簑橫背臥
風笛隔林吹孳息欣咸
若甄陶曠莫涯融融和氣
洽藹藹物情怡漢喘
休勞問商歌謾自悲
戴嵩能貌古班特浪傳疑

展卷懷周澤涵濡宛在茲

題雲深讀書處

卜居靜愛鉢池山山下雲深一徑閒
萬卷圖書連几案九街車馬隔塵寰
茶煙暝出空濛表燈火宵分杳靄間
有客問奇常載酒林扉盡日不須關

題竹林七賢

河內衣冠勝會同竹林高興自無窮
野橋翠滴諸山雨石几涼生六月風
身外功名爭似酒閒

中歲月任飛蓬可憐遺跡銷沉後
錯把丹書付畫工

磐溪漁唱

水遶雲屏似武溪漁郎清唱夕陽時
聲兼淺瀨風初急曲度遙林月漸移
楚調變來多款乃江謳何處轉參差
夜深醉倚孤篷聽絕勝吳儂怨竹枝

西嶺樵歌

西嶼斜日下巖阿伐木聲停聽浩歌
出谷漸隨

春鳥緩度林還逐晚風多買臣不用干軒冕王
質虛傳爛斧柯歸去賣薪時取醉山中此樂復
如何

壺山歸隱

解官歸隱舊壺山往事浮雲夢亦閒花徑雨餘
春自足柴門地僻晝常關問奇時有隣翁到采
藥長隨倦鳥還謾與野鷗深結社鶴書朝夕赴
林間

越阜秋雲

仙丘西畔越山微幾片閒雲出岫飛宿寺遠隨
僧入定巢松還帶鶴來歸暝兼秋色移丹島淡
掃霞光幻白衣天上從龍長作雨迴看倦鳥思
依依

石橋歸牧

達人歸築碧山河細柳橋西牧子多流水半村
松外笛平原數畝雨中簑維魚入夢無飢窘芳
草如茵任寢訛北上鵬程猶萬里虛敲白石和

高歌

送陳叅議彝訓歸永豐

朱衣赤帶衆稱宜
歸去鄉園鬢似絲
詞翰久爲黃閣重
姓名今許白鷗知
清泉綠樹行吟處
倦鳥閒雲坐對時
林下日長多故老
短筇相過自深期

送許中書謝病歸吉水

微霜落葉度關河
此去文園臥薜蘿
雙闕恩光辭鳳沼
一天秋色醉驪歌
菊松別墅將心遠
零漢新知入夢多
莫與野鷗盟太早
更期南陌共

珂

送陳履中還任淳安

京國相逢凡幾迴
紅顏漸覺鬢相催
一生未改心如水
千里臨分酒滿杯
驛樹蟬聲將暑去
關河雁影帶秋來
客途有景多畱咏
母惜銀箋倚醉裁

送陳太守之任延安

白雲分署久爲郎
千里分符荷寵光
雙珮日邊辭魏闕
千山馬上入秦疆
專城近塞塵沙靜
露

冕行春野樹蒼
問俗想應勤
勸課閭閻處處樂
農桑

送游通判之任荊州

璫林疇昔共簪花
京國重逢髮欲華
巴郡幾年稱別駕
荆門此日又移家
雨中獨樹淮山近
鳥外斜陽夢澤賒
粉署才名人共識
未應畱滯在天涯

送黃太守考績歸饒州

領郡曾聞政績殊
奏功今見上皇都
二年秩

仍分竹千里刑清
不用蒲野水片帆
隨落雁秋風一騎
復平蕪官居料得
多清致山色湖光
似畫圖

房村霜樹

房村山遶呂梁洪
驛樹迎霜望漸空
濃翠不遮僧寺月
疎枝猶拂酒旗風
葉飛片片長河上
影落蕭蕭夕照中
到此推蓬吟眺久
遙知宋玉賦偏工

泗亭落照

芒碭英雄幾劫灰
泗亭斜日下荒臺
水聲已帶餘光落
山色猶迎返照來
門外孤烟人語靜
林端初暝鳥飛迴
仙舟際此應停棹
弔古憑君作賦才

五月五日同僉憲別駕二宗長御史審理

二林昆季吳判簿盛訓科遊姑蘇虎丘

寺次僉憲韻

赴闕同登淾水舟
停橈共過闔閭丘
雲隨殿閣疑天近
江擁吳淞入海流
石上逢僧松影落

邊訪古劒光浮
別筵況有登高賦
牢落偏消客

路愁

附陳振

字叔紹

姑孰十詠效李翰林

清溪何迢迢
奔流繞城曲
人家樓閣臨
買客帆檣宿
雙虹波上橫
千樹峰邊綠
觀風沂空明
悠悠濯心目

右姑孰溪

積水涵太虛
一望何瀾瀾
風瀾漾輕縠
霞光映文綺
遙山鳥外橫
孤棹沙邊艤
漁家夜語聲
深

在蘆花裏

右丹陽湖

玄暉何處去青山宛如昔廢宅蔓草深荒井莓
苔積旁有謫仙墳藤蘿亦蒙密詩名兩暉映清
風振崖石

右謝公宅

臺廢已無蹤臺名在人耳大江天際來疊嶂雲
邊起空見梵王宮古斷黃山趾舊碑何處尋塔
影秋空裏

右凌歊臺

井水本湛然人也一沾汗遂令千載名滌去還
如故荒翬翳春苔寒虫泣秋雨我詩闢奸雄

沁泉石怒

右桓公井

江上慈姥山地與蠓谷匹產竹製簫管清和中
音律伶倫去已遠叢生老岩窟採之獻明廷當
有鳳凰出

右慈姥竹

望夫夫不還貞心化爲石獨立天地間千年有
遺跡江草自春秋江聲自朝夕長對雙眉顰莫
盡相思臆

右望夫山

巨川滙牛渚下有淵靈宅絕壁俯層岩迴波自
撞激不見燃犀人空憶騎鯨客泊舟陟危亭蛾

屋代詩選
明內排紙
右牛渚磯
七十九
睂望中碧

丁令辭遼東會向此山住蘿洞曉雲白丹爐暮
煙紫猿嘯山寂寥鶴飛湫何許擾擾塵世中睂
望空延佇
右靈墟山
大江自西來到此勢偏隘天門常不扃爲放朝
宗派雙翠展蛾睂兩岸堆螺黛欲問抱關人風
迅舟行邁
右天門山

安慶謁余忠宣公祠

高城枕江溼名山蟠大龍巍巍國祠凜凜忠

公昔擢第日名聲已泯泯字牧與持憲到
處蘓民痼迨茲鎮舒郡適值元曆終賊騎四郊
合敵舟三面攻中流屹砥柱欲障狂瀾東訓練
瘡痍民盡爲貔虎雄射蛟斬鯨鯢躍馬凌煙虹
七年窮智畧百戰多殊功豈徒淮海菽再期頽
運隆外援苦斷絕內儲亦空孤城如片雪置
在洪爐中力竭繼亦死全家俱徇忠更有偏裨
士感恩多委躬秬今清水塘血染荷花紅大節
昭白日芳名耀蒼穹幸逢聖明代追贈昭無窮

歷代詩選 明陳叔純
有司潔時祀應與睢陽同我來拜遺像企仰猶
華嵩題詩栢臺上感激攄素衷

青陽察院

停驂憇青陽夕雨暗林壑九華近不見雲氣杳
綿邈未遑陟幽勝歷歷詢民膜中夜悵不舒紛
此懷抱五靈如好我欲爲一開拓清晨掃昏
霧宛若鈎簾幙放出九芙蓉森然羅碧落五老
俱拱立餘峯互叅錯咫尺對臺署一一見頭角
飛流瀉玄厓朝霞曜丹嶠使我煩慮清王事亦
以作如逢李謫仙招飲杜荀鶴飄飄凌太虛狂
吟振寥廓弛張有至理匪耽山水樂

過彭澤懷南靖節

彭澤徙江濱邑治已非古慨想靖節翁流風猶
可觀邈爾千載豪豈爲五斗取欲憇訪遺蹤官
船促雙鱗

和錢內翰余阜感懷二首

篋衣存舊綵囊書餘手澤衣以餘遺躬書以勗
心德如何罔極恩杳杳世永隔北風吹雨淚不

到松楸側白雲飛悠揚望望豈終極

其二

聊此臺前竹令我連遐悲先人夙所愛亭構澤
水渚亭存親已逝風葉猶倚倚更有枝上烏哀
念堂北慈得祿不逮養鼎茵亦奚爲

遺安巢

龍虎昔戰鬪風塵天地昏幡幡釋畊叟赫赫刺
史軒邂逅相勉慰故有遺安言君今際昇平樂
志居田園積書千萬卷義方教兒孫庶幾騁康

莊而無傾覆轅所遺有如此何必同鹿門

見玉簪花感而作

茂葉敷晴風瓊葩濯秋露托根在霜臺詎有纖
塵汚舞影覆階墀飄香滿庭戶公餘散煩襟相
看望清素痛思玉堂兄當年寓竒趣花時會羣
英飲罷各有賦詞翰未淒涼人物已非故因之
重遐悲臨風淚如注

題青雲一騎卷送邵振聲會試春官

憶昨聯騎榕城東意氣相許相磨礱蒙恩叨乘

桓氏驄乘之愧未蘇民痍君家櫪上八尺駭骨
 相豈與凡馬同鐵花連錢霧作驥霜蹄抹電珠
 汗紅近逢百樂鑿別公七千雲路杳莫窮縹緲
 迥與天門通彩絲簇轡光龍蒸騰驤蹀躞追飄
 風吳門一見氣若虹僕夫曉秣何匆匆青雲此
 去推豪雄渥洼奇種皆避鋒解鞍剪拂趨瀛蓬
 于時春色方融融九重宮闕切昊穹金銀閃爍
 朝瞳瞳振鬣驕嘶逞聖聰玉階牽過回重瞳賜
 浴龍池絳帕籠直入第一天閑中回頭冀北羣

已空人言此騎真游龍待予復命蓬萊宮雲衢
 並轡搖玲瓏共展逸足收奇功庶幾上答皇恩
 隆

題葉繼武秋官墨竹

郎美如玉篔簹舊種金溪曲密疑曉雨
 亂與春雲散淇澳邇來闔闔逞琅玕粉

署嶺五月秋寒朝回愛此半窗綠何必江南千
 萬竿翔鸞翥鳳舞旌節一榻清風無暑熱坐久
 颯然塵慮消吟成頓覺襟懷潔我家潭邊萬玉

林別來霄漢歲華深披圖展玩運遙思與子歲
寒同此心

敬亭山

宣城城北際雄峙敬亭山鳥度空濛外雲飛紫
翠間古祠臨洞壑幽磴入松關李謝當年趣悠
悠不可攀

過李白墓

自騎鯨背上星辰骨葬青山謝宅隣常有遊人
打碑刻時來野叟薦溪蘋荒祠林下棲精爽遺

詩人間泣鬼神欲為脩垣禁樵牧殷勤停節語
鄉民

喬公故址

敗垣荒逕草茸茸云是喬公舊日蹤惟有雙溪
環碧玉猶疑二女照清容鏡臺夜掩淒涼月眉
黛春橫遠近峰回首吳宮亦如此何須弔古恨
重重

詩崖漱玉

詩客留題不記名模糊古刻讀難成陰陰崖石

歷代詩選 明陳維新
封苔色滴滴溪泉作雨聲山月照來珠散亂林
風吹度玉琮琤望中便覺清人思何必臨流一
濯纓

天柱晴雪

天柱巍峩霄漢間四時飛雪不曾乾凌空禪塔
銀爲頂承露仙莖玉作盤影混晴雲同潔白色
疑華月倚高寒我來問俗過潛霍幾度前山攬
轡看

吳塘曉度

吳塘一帶綠盈盈柳外頻聞喚渡聲人立岸沙
天欲曙帆歸浦淑浪初平幾家籬落依桑柘千
頃陂田雜稻稭自古巨川須廣濟不知何處大
舟橫

丹竈蒼煙

左慈丹竈有遺蹤裊裊蒼煙出碧松岩際虹光
常不散空中鶴馭已難逢隨風飄影林巒暝映
日涵暉紫翠重幾度停驂訪靈異居人遙指最
高峰

玄武湖

山勢周遭十里湖天開勝槩壯皇都畫船晴泛
鷗波濶玉鏡秋涵兔魄孤隔岸泉源通太液中
央樓閣類蓬壺隄邊駐馬看來久爲愛澄清絕
點污

天印山

化工陶鑄幾年成形勢端然似印平組綬影留
河水繞篆文色借嶺霞明尚餘仙跡遺丹井長
捧祥雲拱帝城攬轡都門凝望久數行飛鳥

天清

大江

蒼茫西望渺無涯總是朝宗此地來蜀雪融添
春水漲楚帆飛送暮潮回四時蜃氣晴看雨兩
岸濤聲夜聽雷官渡經過殊可樂乘風衝破浪
花堆

白鷺洲

江畔芳洲水勢分洲前屬玉自成羣聯拳芳草
疑殘雪接羽平沙似斷雲鷗鳥伴中同皜皜漁

歷代詩選 明陽抄
歌聲裏落紛紛滿懷詩景收難盡浩蕩煙波靄
夕曛

樂農卷

負郭生涯數畝田朝耕暮息興悠然門無胥吏
催租稅囊有兒孫趁社錢厨下晨炊翻白雪床
頭春釀瀉紅泉清時不是龐公隱鼓腹長歌大
有年

江山勝覽卷

維揚有客思飄飄歷覽山川不憚遙巫峽秋

雲夢雨吳門夜月浙江潮北瞻燕冀天應近西
渡巘函雪未消到處幽竒看不盡更收餘興入
詩瓢

呈裕齋兄無示弟侄

一自離家將十秋在山何日掃松楸封章乞得
天恩許便買春風潞水舟

題扇寄葉與中都憲時贊軍窾外

同年踪跡恨西東遠意聊將一筴風好似昔人
揮白羽坐令沙漠虜塵空

十二代詩選

明詩卷之七十八終

恥菴集序

江門先師白沙先生倡道東南適一峰先生以
 風節起於大江之右若響答風聲所漸被一時
 天下士習爲之丕變時則有若恥菴先生陳公
 者蒞江右臬事乃獨於二先生尊崇而左右之
 恐後詔時在荔冠聞之以之占公之賢過人遠
 矣癸卯之秋詔計偕北上道出江右公時轉官
 在藩省聞詔至亟枉顧南浦驛中與之握手劇
 論久之詔于是乎益信公之賢乃不翅如曩所

占焉蓋見勝於聞也已而別去公遷官入浙尋以物故聞自是公不可復見矣後二十有五年爲正德丁卯公之姪輝以名進士宰吾廣之東莞視篆之隙始以其昔從公在任時手自抄錄公詩并文凡若干首以類編次成帙于詔敘諸篇端將刻而傳焉顧詔於公惡能已於言哉公長於吏事而文之以經術宦轍所至聲望隆然而崇尚文儒之懿尤爲物論所歸重假令公無著作焉以傳而公之賢卒不可掩也矧重以著

作之不苟燦然如渾金全璧者哉假令公於詔無一日之雅焉以爲今日購文地詔固不敢愛不腆之言將以白公之賢于天下後世矧荷公一旦途旅斯文魚水之契忘年忘分底于如許其盛也然則詔雖欲已于言弗可得已公名燁字文耀閩縣人也登天順庚辰進士第拜御史官至浙江左布政使以其別號恥菴也因取以名其集焉

正德二年歲在丁卯夏四月之吉南海張詔撰

田

大限

石倉十二代詩選

明詩卷之七十九

聰菴集

大明

閩縣陳焯著

後學曹學佺閱

送員外李叔玉之南京

新霜變碧草寒雲結朝陰送君都門道別騎何
 駸駸離筵一樽酒因之話夙心君本明堂才蚤
 歲辭鄧林郎曹二十載聲價輕南金輿情若有
 合擬作商家霖如何遠行旆又逐南飛禽世事
 勿復道此懷良不禁自慚本樗櫟託君交誼深

歷代詩選
鄉園與宦轍日夕相追尋有詩必投示有過時
見箴君今辭闕下方逐朝簪仰視雲漢表一
似辰與參臨岐意難盡慷慨發狂吟淮江蕩蘭
漿白下聞霜砧舊京風景佳公暇宜登臨勿云
子期遠終負伯牙琴

歸篷聽雨

眉山有二蘇芳名輝今古平生兄弟情一夜彭
城雨薄俗誰可敦對面秦越分同心復同氣三
魏美雲孫伯也秋臺英仲氏東山臥千里弟思

兄燈火清宵坐坐臥情不堪買棹來江南小窗
歡會處風雨夜深談相親情獨好欲別懷偏惡
抗疏入君門共假還鄉樂新涼及春秋同上潞
河舟縱合風雨夕何曾遠道愁初聽淮水東點
點在孤篷攬衣不成寐樽酒沽來同再聽吳江
上浙瀝枕邊響姜被夜正溫謝池草初長涓涓
江上起何處無寒聲微因手足愛胡能激深情
鴻雁多分張此會安可常而況蹙歸省不日鷓
鷺行我家有難弟別來幾經歲天涯夢寢多長

歷代詩選 明陳文輝
二
憶連枝會煩君相勉旃霄漢同飛騫預掃兩家
榻客窗期對眠

題怡雲卷

富貴聞洛陽幽寂稱柴桑亦有謫仙人對酒明
月光月行有圓缺花開易消歇惟有空中雲變
幻在倏忽張君海內奇愛之心怡怡無心觸石
起漠漠隨風飛讀書在林麓自停茅簷宿長遊
湖海舟帆檣共馳逐不見花月好光榮難自保
但隨雲卷舒逍遙以終老

風木圖

我生嘆薄祜雙親總朝露宦途將得祿泉臺總
歸路悲風何蕭蕭夜撼庭前樹有耳不忍聽有
懷變淒楚蓼莪廢哀吟綵衣爲誰舞寸草心難
忘作圖表深素哀哉臯魚淚空灑泉下土惟有
揚芳聲可代終天慕

題歲寒三友圖

伐木輟遺響管鮑今不作異類強爲同中道生
險惡徂徠有深根歲晏無凋落何處結同心南

歷代詩選 明陳初光
山與東閣密葉間清香允然歲寒托援筆題斯
圖因之勵浮薄

巡南畿夜宿茅山觀有懷和唐人韻

攬轡茅山陽林昏月初上解鞍扣道關一榻假
清敞樹古虬影蟠風迴玉聲響客夢不成憇孤
懷共誰賞緬惟故山雲無由謝塵想

送趙雍訓武定州

都門雨初霽碧草飄初香故人別我去執手上
河梁君本吾鄉彥學海駕孤航沉酣三傳奧落

紅煙雲蒼悅如九苞鳳燦燦五彩章楚人不見
信置在山雞行索莫難自陳九天屢回翔何處
攬德輝孔門道彌光念昔君未遇桃李已門墻
我家有同氣幾年托芬芳深情一斗酒沃君離
別腸酒盡君當發仰視雲茫茫好飽琅玕食高
岡待鳴陽

送王廷用司訓桐廬

玉階領儒官都門介行李祖筵一尊綠桐江幾
千里君本吾鄉英襟懷澹如水吐論錦蟠胸落

筆煙凝紙齊瑟叶雲和王門不經耳小成豈自
安道傳心亦喜交游滿仕途道義如君幾今茲
別我去離情悵何已臨分發狂吟情詞愧踈俚
敷教想多閒緘書慰知已

商山四皓和羅葵正韻

生子不嗣漢花顏爲誰好陰虹濁太陽前星暗
穹昊誰知安漢功乃屬避秦老赤松已先幾紫
芝猶未稿出山還入山白雲可重掃不見韓與
彭門巷委荒草

題徐孺子墓

行藏原有道出處須見機忍恥穀危邦豈若其
蕨薇漢道昔云季桓靈擁虛器西日走崦嵫寸
繩豈能繫濟川非無情中有波濤驚不見陳與
竇殺身竟何成南州坦平地高遂夷齊志有齒
寧食力不掛安危事黨錮任紛紜安然麋鹿羣
束芻千里道惟哭故人坟我遭明盛時引身非
所宜雖無仲舉榻愛樹九齡碑宰木揚清風東
湖釀美酒再拜奠芳樽閒庭自花柳

遊開先寺

長憶匡廬秀無由結勝緣風濤避彭蠡冠蓋到
開先徑轉山環抱岩欹樹倒顛曇花當馬落蘿
薜向人懸瀑布簷飛玉香爐頂吐煙排窗招五
老入室見諸天勝地堪棲跡名途暫息肩矢心
方味道有口懶參禪倦倚雲邊榻行看石上鐫
舊題半磨滅詩語尚新鮮景物知多少詩家畫
未全興酣烏夕沒坐久月東圓筆醮潛龍窟茶
烹接竹泉客懷清似洗俚句不成篇想像陶彭

澤追尋李謫仙神交來夢寐爲我足吟箋

題周文靖竹石圖寄贈山中葉克穎

紫臺山形若匏卍紫臺山下竹無數四時蒼翠
拂簷楹云是山人棲隱處我家相距十餘里文
筆山前義溪澣種得蕭蕭玉萬竿也學山人開
別墅有時山人過我遊坐看繁陰滿窗戶夜靜
林間酒半醒鳳凰蹴落枝頭露有時我棹紫臺
舟六月炎雲不知暑膝上彈琴曲未終鷓鴣啼
落江邊雨兩家景物向來同十載萍蹤何處所

高人為寫石上枝恍惚猶諸夢中趣他年煙水
覓長竿揮毫指點山前路

題戴文進赤壁圖

元豐有案詩成獄五載南來事遷逐黃岡形勝
無處無赤壁磯頭山水綠古樹深蟠不老根懸
崖瀉下飛來瀑白露橫江風氣涼月出東山皎
如燭扁舟欸乃擊空明主賓逸興何當足歌聲
上薄斗牛寒玉簫吹起鮫人哭此時此景情最
融那識升沉與榮辱舊存詞賦未淒涼千古虹

光耀人目臨安畫史藝無雙貌得生綃橫半幅
揮毫幾度不成吟祇恐神遊笑俚俗綿邈高風
何處尋漠漠江雲寄遙矚

題張方伯畫馬

長安陌上柳鞦韆十二年閒散羣驥蘭筋鳳臆
若游龍龍種生來盡神異良工寫意非寫形生
綃半幅墜房精韋韓之妙不復作眼前畫者誰
得名箇中憔悴老無力飼秣猶為人愛惜其他
驥裏與驂騮皂圍分明動鞭策傍觀一馬殊不

歷代詩選 明陳文輝
然霜蹄騰踏嘶向前汗血須驟六龍馭安得奚
奴浪着鞭

題山水小景

江冷水溶溶羣山紫翠重村孤茆屋小樹隱白
雲濃野渡橫歸棹深林起梵鐘天涯塵跡久何
處覓仙踪

遊月河寺和柯先生韻

小寺尋芳去微雲霽曉天亭臺人境外門巷野
橋邊徑轉穿花入杯深藉草眠不嫌歸路晚乘

月漫垂鞭

彭城弔古

彭城饒古蹟劉項屬誰家帆掛江間日城樓鳥
外霞荒臺無戲馬大澤不橫蛇寄語歌風者賢
人帝獨嘉

和厚弟山居偶成

雞黍連枝會村居未寂寥茶烹南澗水酒送北
溪橋取具奔鄰叟關門避客輶山深無日色早
晚卜歸樵

歷代詩選 明陳文輝

述懷

自愛棲遲海上山于今誤入利名關無端世事
愁邊見不在鄉心夢裏還三伏炎蒸勞案牘五
更風雨立朝班也知竊祿渾無補逐逐光陰好
是閒

草塘春色

柳塘春暖草初生綠遍江千萬里行程彷彿西堂
來夢寐分明南浦帶離情晴連碧漢看無異翠
落蒼波染不成吟得惠連詩句好秋風臺畔寄

見

送魏司訓澄之饒州

日射金門曙色開故人銜命出蓬萊花邊躍馬
香風動鷗外飛帆細雨來北闕有心方重道西
江無地不生才明堂榱桷先收拾梁棟行應屬
大材

宿聰上人房

半生無計滌塵襟喜共旻公宿梵林隔竹茶煙
風冉冉鎖窗花影夜沉沉有心聽法篝燈坐著

歷代詩選

明陳文輝

卷七十九

九

意敲詩步月吟一榻未容清夢覺又乘羸馬逐
朝簪

送周太守琰還溫州

陌上春光遍柳條送君初下紫宸朝遙空雲盡
千峰出別路風生五馬驕離思不堪同作客交
情還憶共題橋孤舟明發知何在踈雨空江半
落潮

送吳亞卿復致政歸螺江

五十餘年任畏途雨來歸興逐尊鱸風搖雙佩
辭三殿雲引孤帆入五湖荔酒醉眠花下榻茶
煙吹起竹邊廚白頭富貴人間少況復身關一
事無

寓臨清寄余文勉主事

交游何處見情真岐路相逢卽故人斗酒屢邀
花底醉束薪多濟客中貧陌頭踈柳纔凋葉江
上江梅又放春祇恐天書易催發論心不及往
來頻

送陳黃門奉使琉球

使星宵傍斗南飛青鎖仙郎出禁闈雲染紫泥
頽去誥獸蟠紅錦賜來衣海門風迅帆檣遠天
際煙消島嶼微蚤奉君恩之絕域台衡屬意望
君歸

送林季成司訓吉安

嫋嫋垂楊拂綠陰河流不似別情深故人欲發
西江棹雲樹應懸北客心荒草滿庭芹泮雨南
薰一曲杏壇琴他時若採明堂具自有長材出
鄧林

賦得繡里春耕

當年畫繡訪遺蹤此地躬耕有臥龍半畝鋤犂
春雨足幾家籬落白雲封遺安識得龐公趣棲
遯真成谷口農念我非才承世澤移文慎勿笑
周顛

內翰黃仲昭以言被謫湘潭賦贈

一道封章徹紫宸憂時寧復悼埋輪玉堂本是
論思地湘水甘爲放逐臣孤棹夜寒惟有月上
林花發不知春皇明德量寬如海瓊重將來報

主身

同官胡以道謫黔陽丞用李廷美韻送之
凌晨相送帝城東回首君門隔九重行橐獨多
封事草貞心不改歲寒松花邊且對離筵酒夢
裏猶聞禁苑鐘沅水謾勞遷謫恨虞廷接武盡
夔龍

耕讀爲苗太守題

昔季解組意何如郭外良田架上書隴畝鋤犁
春雨後菰齋燈火夜凉初鹿門景物宜人處

鼎功名染指餘笑我紅塵方擾擾不知何日買
鄰居

題小景山水

雲卷青山外舟維古渡頭江亭幹鞅寡閒對雨
三鷗

題小景

深沉一巷隔煙霞路出重關一徑斜江上小舟
如載酒定應來訪子雲家

出按東吳舟次通州

朝辭玉陛按東吳晚出灣河畫舫孤兩地思家
南又北滿江雲影樹模糊

經維揚見竹偶成

江南無地不清幽十載紅塵祇夢遊此日推篷
江上看幾家茅舍竹修修

吳市居民目予年少笑而賦此

五載恩光映豸袍周詢民瘼敢辭勞閭閻不用
驚年少無限秋霜點鬢毛

元夕寓淞行臺

六街簫鼓動歡聲獨坐行臺看月明不是有心
貪勝賞偶逢時節獨關情

沽來春酒已無多行酒青衣不解歌浮世幾回
燈火夕如何長在客中過

清明道中

驄馬行行過近畿家家坟上紙錢飛七千里外
楸梧老立斷東風泪滿衣

胡僉憲德盛寫蘭并題用韻答之

小窗岑寂夜如年夢繞芝蘭若箇邊明日相思

鴻雁信何如花底對牀眠

題高都憲早閒亭

拂袖君門不復回故園山水亦奇哉可人最是
亭前菊不待秋風已自開

謫仙問月

沉香亭北奏雲和獨數清平第一歌何事夜郎
流不返又持杯酒戲嫦娥

宿永慶寺望厚用二弟赴會闈不至

衛河風冷亂流澌白日看雲夜臥遲殘月半窗

山寺曉不知何處正驅馳

期黃秋官賞春遇雨

見說仁山景物佳尋春有約踏晴沙無端最是
連朝雨孤負春風幾度花

石倉十二代詩選

明

卷之七十九

終

鄭弦齋與尚默林侍講書

瑛白蔀齋賢相閣下瑛二十年前昧入仕途顛
頓摧挫不知所自持蓋由年少疎放玩忽時制
雖嘗兩沾鄉舉竟不獲登進士列重爲足下慙
十六年道出南京久嬰血疾深荷療恤并遭緩
足所苦寸步如挈重石人事益自廢棄判此蒲
質多在土壤中矣不意自全至今往疾頓愈海
外無事復得味索舊書磨治心術或時與二三
子徜徉山水間而已餘無足道也往年進香赴

闕冀獲因緣相見至聞扈蹕南行悒悒不克會
每欲覩縷爲書輒復中滯卒不能成就其說亟
在舍弟書問中展敬不專之罪無以自文每想
與足下在鄉曲時夾衢而居日會數四同年而
生爾汝兩忘入焉有母戚之呼出則更數師而
共業自後雲泥間濶薄宦樵李者三年從事襄
漢且七年蹉跎冷官於海南又將十年才無可
用不見錄於世退思自奮成章惜文力不振無
以信於後人生百年七十者已不多得今雖未

遺齒搖髮禿日漸衰朽便使宰物者相厚大都
不過二十寒暑則無此身矣比來未審尊體何
似玉堂春容不待祝也遠惟足下九考三遷位
清而地禁美食天厨榮兼兩爵數年來料不身
私其將輔養君德者日必崇引拔賢俊者日必
多彌縫化理者日必無窮況大制作之文乎此
地深僻乏聽但引領遙慕而已絕今兩紀不蒙
一辱教帖或者一時新知皆禮踰而情炎僕踈
且遠所求未能先施無乃督過於僕僕固始而

歷代詩選 明倫彙編 家範典 卷八十一
愧然終知相猶非古之道大君子必不爾也高
岡千仞自有鳳侶故不遑徘徊燕雀之微僕若
中而疑亦終知易交乃世情態大君子尤不爾
也後至京師在舍弟處獲觀所敘先譜有謂與
瑛旣友而戚又云旦夕會珞請與瑛同較之書
賜惠加百倍然而釋然知足下不失其親且故
也舍弟時來相見倘蒙獎勵以宏其器於瑛受
賜又莫大幸萬里寒素不能效誠聊奉某物表
忱而已有風南來懷我好音春光且盡宜順時

葆和爲斯文領袖贍奉未有期也恐懼不宣按
弦齋公諱瑛字希晦幼同林公尚默從學于王
公孟陽之門永樂戊子歲聘爲閩清連江二邑
司訓後領應天湖廣省直鄉試其文錄爲程式
以瓊州樂會訓導秩滿之京卒于途友人羅泰
爲之墓誌銘弟珞寧波知府

四明文獻志知府鄭公珞字希玉閩人永樂十
三年進士宣德初來治四明簡重寡默聰敏過
人案牘之暇手不釋卷時有吟詠品題俱載郡

乘中禮賢下問不以人廢言凡布衣浮屠有識
治理民瘼者亦不靳于屈訪之云

以雙川樂會臨舉拜甫之京卒于公之入歸泰
后晴翁貽熟天賦寶首直隸煇其文越為聖友
公孟則之門永樂丸于歲期為聞靜聖玉二昌
茲齋公藉天字帝報心同林公尚熙翁學于王
蘇味為洪文貽蘇觀奉未肯賤也恐對不宣蘇

石倉十二代詩選

明詩卷之八十

弦齋集

大明

三山鄭瑛著
後學曹學佺閱

題新喻丞劉源墨菊

東籬吐佳菊采采含幽馨芳心竟云托離披履
前楹詎惟陶令賢千載同幽襟感茲時物遷獨
見霜中榮故人安素子為君寫其英醉墨尚淋
漓宛若寒露侵豈無春陽華朝發夕已零贈此
竟何俟亦以期令音

歷代詩選 明興初時

答郭大叅五龍見寄兼次前韻

不見汾陽宅猶存太史文寧知當世士才與古人倫
席上空鳴劍林間任折巾高風如可即清夜嘯歌頻

觀濤閣為閩縣鄒縣丞作

君家傑閣連雲起遙瞰滄溟拍天水東吳佳氣橫九秋
震澤長風破千里有時颯沓來飛湍瀟瀟五月生秋寒
故人早得瀛洲趣憑高何翅凌霄翰望中澎湃浩無極
太虛迫合春朝夕

上採鏡光落景簷前掛丹碧知君對此歡未央酒酣
直欲窺扶桑及茲作縣三山下便濯煩燠為清涼未誇
枚乘觀濤賦更憶莊生望洋處愧予亦有淮海心為爾
長歌發襟素

寓金陵寄舍弟十二校書以識別懷兼憶

二姪

吾祖昔葬龍腰峰石邊種子今作松吾家舊住鳳池
曲庭前種筍今成竹人生變幻那得知見時自謂長
若斯一朝蹉跎各老大况乃落魄天

歷代詩選

明鄭希梅

卷八

七

之涯天之涯何淡蕩功名未覩心猶壯母在寧
論鮑叔心官卑不改陶潛況去年風雷建中過
丰酒慙慙奈別何老樵丈人發詩篋萬素將軍
贈劒歌別來欲度雲霄裏羽翼空摧溟渤水鴻
雁天邊落日低鶴鴒原上秋風起冕旒二子近
何如客久都門未得書馬首明朝勿西去何由
見爾唾成珠

題丁克恭臨清軒

太湖之東水拍天鮫人結室龍爲淵丁生胡爲
獨嗜此清興直欲窺無邊洲頭高構凌虛起春
風淡蕩吹香芷不異幽人水竹居還同處士柴
桑里有時懷術出吳中藜杖看山日幾重雲外
輕時多馬跡花間坐處卽仙蹤羨君愛山仍愛
水醉來掃向丹青裏戲墨與人不索錢臨流更
結湖中意湖中意清且長嗟予此樂亦不忘歸
將載得湖上月爲爾鼓枻歌滄浪

赤岬喬松

獨不見君家萬丈之喬松交柯崛走驚蛟龍渾

歷代詩選 明興初時
三
沌以來不可數孰識夏后之植秦人封盤谷直
與元氣會赤岬東西分晝晦怒豹毛霏霧雨中
神鼈背折川岡外吾聞中有何氏居過者仰見
今嗟咨秋蟾在空風在谷胡用門前列戟鳴驪
駒上有翡翠蓋下有珊瑚枝鬼物守護仙人期
安得置我清陰之石上坐待白鶴歸來時

茅屋書聲

若有人兮山之阿結蘅茅兮被女蘿紛青衿兮
淑且多援吾師兮進明謨差估俾兮激清騷聲

琅琅兮振鳴珂東臬盧兮西簫歌時旣迫兮將
奈何思我樂兮心忘勞舍姬孔兮誰將與訛

秣馬謠送王御史恒哲

渥洼水咽天房開酸風嘶入黃金臺赤虬帝子
市駿骨感激白汗啼香埃雙銅刮露竹披耳三
驥連錢宰紅尾碧蹄颯沓碎瓊瑤青毛參差剪
秋水畫闌十二春夢涼銀釭夜煮蘭茗香胡雛
黃鬚不敢秣忽驚神駿生輝光劉郎倚醉桂華
樹洗却芳塵拂金紫爲君折取珊瑚鞭一日旋

歷代詩選
風五千里

九仙山

南登九仙峰西憶雙溪月玉輪千里懸秋光環
珮玲瓏上瑤闕仙人去去不可留聽我一曲歌
丹丘清晨搖曳采雲別白日飄忽乘天遊我宮
之真師乃是紫陽客與君銘骨授長生昔隱茲
峰鍊精魄誰料丹砂化成煙謫向人間二十年
玄風笑翳花源去化衣醉拂秋霞眠青童返霓
旌相招擁仙蹕下窺城郭幾回新手種長松已

千尺杳然真師失其蹤身騎白羊去無窮鸞啼
鶴怨天府空長攀玉樹期相逢君家乘龍度百
越過予洒掃石上月真師不來君又發還掩洞
房泣仙骨

次南安同寄從弟新建令希肅

一官瓊海獨淹留倚棹看山恣遠遊白下秋風
憐竝桂淮中暮雪憶同舟緘書久負翩翩雁橫
席長從汎汎鷗聞道政成有佳趣惠連詩句近
耽休

題羅司訓聽潮軒

席罷談經思獨清更於靜裏聽潮生
半將春水來天籟盡入羊城作雨聲
登閣觀濤空有賦臨流洗耳亦虛名
何如醉臥滄洲上萬里琳瑯一解醒

丙午孟冬黎寇竊發吳訓術自病中見寄
因避難航海遂和

故人臥疾近如何賴有詩懷祇自磨
蘇子加餐須努力沈郎多病愧吟魔
半生別業經殘燹萬里還家備走舸
風景年來倍蕭索枕間清夢已無多

白沙翠竹

沙頭萬玉碧參差絕勝三湘煙雨餘
晝拂微颺侵席冷夜隨涼月逗窗虛
編籬稍斷樵人跡開徑能通處士居
爲問主人游宦久故林清夢近何如

山水圖贈南雄黃驛宰

舟移青嶂夕門掩碧蘿春欲問仙槎客
南來第

一津

秋夜泛舟

蒼蒼秋月涼颯颯寒蘆短孤舟人未眠霜花撲
窗滿

又

雲中蘿幌開石上苔衣冷古調人不聞誰能發
深省

又

石屏秋雨淨野樹晚風微忽憶前溪好應須上

月歸

鼇溪漁唱

數頃烟波靄靄半窗風荻蕭蕭欲罷棹謳歸去
月明又轉溪橋

附鄭珞詩

字希玉有訥菴集弦齋之弟也

送王醫官歸龍泉

拜命恩波濶南歸道路長才名雙白髮行李一
青囊祖帳連春草征帆掛夕陽雲消波浩蕩燁
暝樹蒼茫旅食經淮海家園入楚鄉藥分蘇井

歷代詩選

明鄭希晦卷八十

七

水花送董林香濟世推恒德長生有秘方宋清
雖已遠千載共流芳

題四會顏大尹竹軒

顏君瀟灑謝塵俗遶屋惟令種修竹萬竿直節
凌雲霄半畝濃陰絕塵埃嫩葉幽枝翠欲流橫
窗拂席清且幽綠雲藹藹湘潭暝霜雪條條洪
水秋冰簾半捲棠陰靜對此鳴琴多逸興午夜
長空風雨來萬頃秋濤滿清聽湛露三時滴不
乾高堂五月生微寒玲瓏最喜吟中見旖旎偏

宜醉裏看君不見名花異卉足佳色一旦西風
盡摧折何如此竹無凋零歲晏相期抱冰雪

左掖聞鶯歌

蓬萊曙色寒蒼蒼萬方劍佩朝明光流鶯舞影
過雙闕遙送新聲出建章數聲纔度五雲表百
轉還聞上林杪宮漏沉沉九陌春禁鐘隱隱千
家曉煙花遠近布春聲聲聲最裊如有情不隨
仙仗雲中散頻逐簫韶花外明流音往復斷復
續睨睨綿蠻聽不足初訝湘靈鼓素絃又疑秦

歷代詩選
女彈新曲

塢溪書舍爲易行人節賦

高士耽幽遂隱淪卜居遠向塢溪墳林塘窈窕
開新墅籬落蕭條入白雲卷幔青山吟處好隔
窗飛瀑坐來聞棲鸞粉落琴邊竹辟蠹香浮澗
畔芸閉戶共憐玄晏僻垂帷長羨董生勤案頭
螢火搖寒影戶外秋聲起夜分問字故人頻載
酒趨庭諸子總能文鷗鵬已展圖南翼騏驎曾
空冀北羣天上星槎隨玉節身邊鳳勅煥龍紋
清時不負經綸志願竭忠貞答聖君

次黯淡灘

落日掛青嶂舟行次危灘天影動秋色溪聲生
夜寒予懷正寥落復此聞潺湲撫劔對明月喟
然發長嘆

和催喜外弟盧倫見宿

近卜孟家鄰簞瓢不厭貧關河今夜月兄弟異
鄉人對酒傷春晚思家入夢頻明朝又分手客
路孰相親

登四明郡城東樓

越州開霽色城上獨登攀
萬室煙中樹千峰雨後山
江橋潮汐急海嶼水雲閒
東望三仙島滄溟杳靄間

晚次曹娥江

山靜孤雲歛沙虛夕照明
隔江漁火淡入夜海潮驚
廟重曹娥孝碑雄魏武名
開窗對新月獨酌見幽情

郡齋卽事

長公事少退食有餘閒
下榻留高士攜琴對
鄞山萍開魚出躍松暝鶴飛還
蓬藪乾坤內怡然一解顏

度江寄懷諸姪

軫翼迴天象山川壯帝都
漢江元入楚淮樹半侵吳
仙夢遊三島漁舟憶五湖
紀行多賦咏千里寄封胡

次京口

北固山如畫南徐月上初
煙消秋水濶霜重晚

歷代詩選 明集卷三十一
林疎臺榭千年麗江山百戰餘興亡總陳迹搔
首獨踖躅

峭石道中

客久多愁思行遲覺路遙山家棕蓋屋溪徑竹
爲橋谷響常疑雨雲深或遇樵前村投逆旅風
雪晚蕭蕭

夾溝道中

暝色下滄洲舟行近夾舟樵歸爭喚渡漁唱忽
驚鷗古墓侵沙岬居人傍驛樓留城應在望欲

詠赤松遊

宿宣義池和夢得韻

秋晚過幽亭煙空楚樹青潮聲歸別浦天影動
疎星野曠螢流火霜清鶴墮翎乘桴如有意東
去卽滄浪

宴徐將軍居庸關席上呈王都憲崔司馬

關入居庸險城臨北斗懸龍琴調宴樂虎帳集
羣仙爽氣來山雨秋聲漱峽泉醉餘望雙闕遙
倚五雲邊

歷代詩選
送高時旭還閩

祖帳連芳樹征帆掛夕曛鄉心閩海月客夢楚江雲
候館雞聲早平蕪雁影分懸知霄翰上早
晚薦雄文

贈僧

秦門聞說遠公賢遯迹廬山四十年祇樹清風
禪玉塵曇花香雨擁青蓮乾坤夢覺空中相水
月心閒定裏禪塵事相關長擾擾虎溪何日細
談玄

賦得馳道玉聲寒送羅澤御史之南京

禁城鐘鼓漏初殘珮玉聲中引百官響度碧雲
雙闕曙清搖秋月九霄寒花邊振處風霜肅天
上朝回雨露寬豸史承恩南去日幾迴清夢聽

珊珊

錢塘懷古

雙龍北去歸遼海匹馬南來嘆寂寥一代興亡
吳苑月千年感慨浙江潮岳王墓上松聲慘伍
子祠前劔氣消遣女不知行客恨夜深湖上更

歷代詩選

明鄭希玉

卷八十

七

吹簫

舟中寄羅宗讓先輩

淮南草色赴離愁江上潮聲送客舟
雙鬢漸驚玄髮變一官長負素飧憂
煙光暝積丹陽雨春水寒生震澤秋
鄉思滿懷吟望處毘陵城上獨登樓

次高侍郎韻

芳村渺渺帶平沙桑柘陰陰一徑斜
老去更堪身在客病餘方覺眼生花
蟲聲入夜驚秋早

影衝寒冒雨斜西望故鄉情不極
白雲飛處是吾家

故宮人

雲雨巫山夢已闌衰容羞向鏡中看
歌成絃扇秋風冷舞罷霓裳夜月寒
玉筋暗垂今日淚金蓮空想舊時歡
閒居寂寞誰相問簾捲黃昏獨倚樓

永樂甲辰四月二十七日羶帽山雪後呈

兵部崔侍郎

四月胡天雪未乾
同雲萬里白漫漫
月臨虎帳晴光薄
風颭狐裘曙色寒
尊酒對燈稽嶺北
孤舟飛夢剡溪灣
願一洗胡塵淨
疋馬寧辭道

路難

登柳州城和

厚

獨上城樓望八荒
神遊霄漢入微茫
輕雲帶雨來高閣
落日隨鳥下女墻
萬里故人憐遠謫
千家砧杵斷愁腸
長沙未有歸朝計
老向天涯各異方

花影

滿庭春色醉芳菲
影落朱欄若有期
月下參差人靜後
日邊零落雨晴時
香魂暫逐行雲去
嬌態還從淑景移
最惜年年寒食候
風吹萬點重堪悲

病起喜景著見訪

書齋隱几厭紛譁
閒看春風掃落花
忽見兒童占噪鵲
遠勞車馬到寒家
緗簾捲月新除酒
石鼎分泉漫煮茶
欲賦南軒酬盛意
揮毫臨紙尚

欹斜

和解學士遊七星巖

碧空遙訪日華君 磻道泉香下鹿羣 神女祠前

嵐作雨伏波岩畔水連雲 石門冰雪清詩骨 仙

洞燴霞隔世紛金馬玉堂歸夢杳 野猿山鳥不

堪聞

和吳當塗源弔李白墓

半世醺醺笑獨醒 九原漠漠掩重扃 月沉牛渚

三山晚雲抹娥眉 萬古青遺廟有碑題姓字 荒

厓無王泣山靈 文光不泯歸天上 臥看樓頭太

白星

焚香欲鼎

網緼長見吐奇芬 銘刻猶傳漢代文 碧玉煙和

搖蜃氣紫苔花冷 隱龍文琴邊畫 永心同靜簾

外風微手自焚行 向廟堂膺大用 磨礪遠擬勒

殊勛

渡口

返照落平原 孤舟繫踈柳 隔河喚渡人 獨立秋

風久

明妃怨

家國知何在風沙滿目愁惟餘天上月還似漢宮秋

閨思

自君之出矣絲桐無復理思君如轆轤展轉不能已

江南曲

偶逢故鄉人寄書故鄉去妾家在橫塘門前雨

林樹

朱漢傑四小景

石壁霽秋雨溪雲淡將夕一曲龜山吟悠然楚天碧

題沈叔用夏廸山水

鏡天日落萬山秋雲水微茫島嶼浮欲訪仙源迷舊迹滿江煙月一歸舟

題枯木竹石

湘靈夢斷湘雲夕涼葉瀟瀟瀉秋碧君山半夜

風雨來萬頃波中老龍泣

春日偶作

病來斷酒笑獨醒南山遙對北窗青
心閒夢覺日當午啼鳥數聲花滿庭

附鄭亮詩

字汝明有蒙齋集茲齋公之子也

送林季聰進士使三湘圖

君家粵西曲我家于山顛辭家遠行邁
脩程餘八千豈無一匏羹可以樂永年
出身重天顯經綸貴才賢錦裘赤霞綬
玉綺紫雲韉丈夫志不

偶徒爲渠所憐結髮入庠序高歌省雅篇
時哉適我志行行宜勉旃

送朱州判子還家

君家住在於山麓門前舊種桑榆綠
遙望葱蔥知故家況有清陰庇鄰曲
記得常年二月時纒車軋軋蠶初絲
桑影欲斜春社散榆煙新起乍炊遲
故鄉別來今幾載樹色重重長不改
石砌輕風落小錢粉墻晚日垂高蓋
憐君近別復何如依然繞屋青扶踈
感之忽爾有歸思因買孤

舟還故居

山水圖為兵馬指揮朱君題

聞君住在蓬壺天赤城十二遙相連
聞來聽籟坐松石仙衣醉拂秋霞眠
柴門不掩讀書處隔窗恍惚生煙霧
重蘿隱隱半山鐘細雨濛濛萬花樹
天書憶昔下岩阿不起其如蒼生何
仙人別去五雲表碧山悵望空嵯峨
碧山千里復萬里仙人洒向丹青裏
何日陶潛歸去來扁舟遠掛滄江水

湖山秋霽圖圖有鴻雁鳥鴉竹木為吳太

守作

太湖瀲灩浮晴玉蘆荻河洲秋菽菽
懸崖翠律黛娥森羣雁盤翔下平陸
瑤天捲雲碧於鏡山空水濶橫秋影
玉筆峰前鍊畫書白榆川上金蛇陣
哀鳥冥冥破昏碧寒聲帶暝相呼急
蘭室銀缸融冷光佳人半掩羅襦泣
小奴有警相依眠野人繒繳今悄然
夢迴胡塞三更月魂逐衡陽萬里天
栖栖有恨誰教省啄者自啄飲自飲

南國原田菰米稀洞庭渚澤煙波冷學淵老仙
鶴骨清修筠落木多秋情夕陽樹杪散餘綺歸
鳥欲宿啞啞鳴爾烏已托一枝安征鴻覽喜平
柯寬明日飛騫九達上請看儀羽天朝端


送楊進士畢姻歸姑蘇

早朝
仙子承恩下赤霄香風送上木蘭橈五雲光動
黃金榜雙鳳聲和碧玉簫石洞蟠桃開作錦銀
河靈鵲駕成橋歸家莫戀春容好整珮應期其

挽杭州蔣處士

徜徉杖屨嘯林丘白髮蕭蕭七十秋令子初承
聞喜宴仙翁應夢采真遊西湖誰咏寒梅月刻
曲空遺夜雪舟惆悵湧金門外路斜陽原上重
回頭

按公墓誌銘宣德丙午癸丑鄉會皆以禮經冠
闈成進士初授戶部主事西域獻騏驎公爲賦
以獻頗寓規諷上嘉納之惜未永年而卒其孫
長史伯和魯孫運漳始揭公集而傳之濡須吳



廷翰爲之序

石倉十二代詩選

明詩卷之八十終

轅門十詠

小引

國初朱克誠中衛百戶也能詩與陳探花景著
 陳侍讀叔剛陳僉憲輝洪會元英相唱和茲轅
 門十詠者克誠首倡而同時屬和凡九人曰羅
 泰曰谷宏曰林坦曰秦善曰李溥曰朱瑛曰鄧
 善曰郭廩曰余旭其詠物槩有佳句可知國初
 吾鄉作者之盛不獨十子爲善鳴也羅宗讓自
 有集谷仲宏選詩只一首茲復見于此編者五
 余因喜而併錄之徐興公纂烏石山志又得克

歷代詩選 卷之八
誠諸公以宣德甲寅歲大會于隣霄臺冠裳布帛
布名僧武弁共十九人同勒于石

石倉十二代詩選

石倉十二代詩選

明詩卷之又八十

石倉居士曹學佺閱

石倉居士曹學佺閱

朱克誠

水

浩浩無津際杳溟煙波何處望蓬瀛
馮夷銀屋千層迴漢使星槎一葉輕
盈縮應隨天地化奔流不盡古今情
萬方共喜風濤息四海絃歌讚聖明

塵

歷代詩選

石倉十詠

文八十

憲

歷代詩選 卷一 詩一
一騎駸駸涉遠途。紛紛如霧暗雲衢。迎風却認
沙中起。過雨還從陌上鋪。亂逐行車迷劍佩。不
隨流水入江湖。愁今四海昇平日。佇見晴空一
點無。

霞綺

孤鶩齊飛入望餘。晚晴遙映夕陽斜。光疑海月
流珠彩。艷訝天河浣絳紗。錯落霜林籠錦樹。澄
明仙井燦桃花。散成紫氣凝丹室。絕勝芙蓉伏
火砂。

霜花

會聞青女手栽培。露冷風嚴徹夜開。色借龍泉
涵碎玉。光疑鴛尾軼纖埃。輕盈積素迷行佩。冷
淡無香訝落梅。何事太陽收冷燄。又隨流水到
天台。

睡蝶

曉日初晴百卉香。爲貪春睡倦尋芳。魂隨斷靄
迷花徑。夢逐殘英度粉牆。翠幄深沈愁雀噪。香
林寂寞怯風狂。醒來粉褪飛猶懶。却憶莊生寄

恨長

飛燕

王謝園林舊路荒不妨陰雨補巢忙自憐弱羽
隨萍梗何暇棲身向畫樑低拂綠楊過藥圃斜
穿青草度芹塘烏衣雲海頻來往不憚風波道
路長

梅魂

朝來策蹇覓芳魂南北枝頭見淚痕春靜不堪
溪上弔夜深空向笛中論吟餘始射幽香遠夢

八羅浮素影繁幾度石橋西畔路淒涼新月照

黃昏

白鴈

聯翩北向復南翔玉宇橫看寫恨長色借蘆花
澄素練影涵明月上波光金河遙度千行雪紫
塞孤飛一片霜為問上林傳札後別來曾復見

燕郎

無絃琴

焚香掃石獨橫琴愧乏朱絃感恨深月下不聞

歷代詩選 卷之十 詩
烏夜操花邊空憶白頭吟難將古調傳心事無
復高山遇賞音爲報東林蓮社侶不堪攜抱日
相尋

遊絲

縮煙曳日度江臯散逐晴風下復高柳外牽情
邀翰墨花邊縈恨怨離騷千尋謾憶紉蘭佩萬
縷空懷織錦袍收得春回桃浪暖謾言曾許釣
鯨鰲

羅泰

字宗讓

水

天吳自昔肇洪荒一望東南接混茫習坎不盈
時未達在川應與道俱長禹門春盡兼天湧牛
渚秋高徹夜光愧我短纓猶未濯不知何處泛
滄浪

塵

聞道麻姑碧海東飛揚幾度杳難窮萊蕪甌朽
名猶在石虎樓高事已空謾逐清風迷玉麈長
隨旭日逗房櫳自慚擾擾浮生裏何處蓬萊絕

島中

霞綺

滕王高閣近滄洲散綺千章絢碧流
杏藹祥光虹駕闕氤氳佳氣蜃爲樓
紋成織女機初下丹伏茅君火未收
我欲朝餐凌絕景飄飄長侍赤松遊

霜花

億自淞江下秀州蒼涼玉宇霽光浮
誰於月露雙清曉幻出瓊花一色秋
蝴蝶夢圓看不厭

蒼瓦冷覺生愁凝輝絕勝吳鹽巧
柳絮才高愧

莫罵

睡蝶

繁英採採拾香紅倚倦還棲錦綉叢
濕透粉裳愁夜雨低垂玉版怯春風
魂歸莊室應同化夢與南柯杳不通
向曉却應誰喚醒鶯聲遙在百花中

飛燕

華屋雕梁粉繪新烏衣何事往來頻
輕狂更擇

歷代詩選

遠明十詠

又八十

五

營巢處下上猶尋繫線人。冒雨斜穿三徑曉。隨
風遙度萬家春。自慙寄跡浮名下。南北東西老
此身。

梅魂

孤山蹤跡迥無邊。醉裏羅浮別有天。春信挽回
風冉冉。角聲吹斷月娟娟。石橋清趣將吟遠。綠
帳空香入夢傳。覺後欲尋渾不見。淚痕殘雪。縹
浮煙。

白鴈

別蘓郎塞外城。秋來何事復南征。遠疑孤鶴
橫空迥。近訝閑鷗泛渚輕。雪滿上林朝送影。月
寒湘浦夜聞聲。懸知霄漢翱翔日。白雀那能獨
擅名。

谷宏

字仲宏

霞綺

晴天吐彩散英英。佳氣光輝照赤城。曉起忽隨
孤鷺去。晚來仍逐片雲行。燁如蜀錦榮還燦。皎
若爐丹色更明。欲起高樓頻眺望。悠然餐罷可

歷代詩選

卷之十

六

長生

霜花

皎皎流輝璨玉英。九天繁露似凝成。方疑趙璧明還潔。若比驪珠色更清。隋苑瓊花無瑩彩。唐宮玉蘂少光明。化工若使應長在。宛洛芳春第一名。

睡蝶

逐氣隨香何處尋。翩翩無力宿花心。不知狂客傾盃樂。只與莊生入夢深。葉底風微猶栩栩。叢

間日煖正沈沈。覺來粉翅初輕舉。方聽笙歌有妙音。

飛燕

曾向烏衣國裏來。暖風先到栢梁臺。翱翔畫閣朱扉敞。下上華堂翠箔開。倏見秋容何處去。忽逢春色又飛回。昔年王謝門牆盡。惟有荒臺長翠苔。

無絃琴

陶令閑來理素琴。悠然妙趣不聞音。夏炎揮手

歷代詩選

袁門十一

咏 又八十

二

歷代詩選 卷之十 七
風生座夜靜怡情月滿林石上攜來多逸興堂
前撫罷更清心須臾三徑黃花發抱向寒籬酒
共斟

林坦

字惟道

水

混混泉源一氣通功成潤澤古今同魚龍變化
誰能測江漢朝宗不可窮潮信有期惟向月波
瀾無意自隨風弱流萬里蓬萊隔擬泛星槎向
此中

塵

一道空濛晝未開青槐綺栢動浮埃暝隨微雨
花前歇晴逐香風柳外來羅襪行侵遊園苑馬
蹄縈轉下章臺不知開闢洪荒後碧海飛揚又
幾回

霞綺

赤水祥光杳藹中曉隨孤鶩氣空濛六街羅綺
花前月十里旌旗塞上風色借霜林迷遠樹影
無桃浪動遙空最怜王勃才無敵滕閣當時記

獨雄

霜花

青娥巧剪奪春工。萬瓦瓊瑤。一道通暗結冰魂。
凝曉露不隨香絮逐寒風。鉛華在冉銀屏隔梅
額。輕盈玉鏡空。蜂蝶飛來空戀戀。不知何處是
芳叢。

睡蝶

翠逕深沈日未西。紅稀綠暗望中迷。穿花頓覺
芳心懶。卧柳從教舞翼飛。金谷魂飛春寂寂。銀

塔夢入草萋萋。飄然欲與莊周化。莫遣鶯聲柳
外啼。

飛燕

烏衣千里愧飄蓬。春去秋來似夢中。貪掠香芹
芳徑遠。不知清晝畫梁空。雲邊征鴈應堪擬。江
上閑鷗迥莫同。偶語何須尋舊壘。秦樓寂寞掩
春風。

梅魂

曾憶尋芳度石橋。滿懷幽思雪飄飄。西湖鶴弔

春如夢東閣詩成恨未消疎影蕭條和落月空
香縹緲逐寒飈羅浮酒醒人何處玉笛聲寒夜
色遙

白鴈

雪霽千門舊路微魯傳玉札上林飛行歸紫塞
和霜斷影度銀河帶月輝瑤瑟輕彈移寶柱霓
裳妙舞想春衣西風吹醒蘆花夢悞逐閑鷗上
釣磯

無絃琴

都製會傳太古時蛇紋深斷碧梧枝最怜得趣
同无亮何必知音覓子期流水高山應默契陽
春白雪有心知長卿無限求凰意寂寞何由寄
所思

遊絲

彷彿冰蚕繭乍抽隨風嫋嫋自悠悠牽花有影
睛多見映月無痕夜不收色借明紗江上浣光
添白髮鏡中愁將軍况是經綸手高唱于今愧
莫酬

秦善字思舜

水

一氣流行混太空，涵幽極遠意無窮。
波濤迴與風雲合，動息應參造化功。
牛渚天河涵夜白，扶桑碧海漾朝紅。
若為舟楫還堪濟，未老滄浪一釣翁。

塵

紫陌蒼茫啓曙暉，晴風初起亂依微。
靜沾藥架理香逕，行傍車輪上客衣。
夢草池塘清不染，看

花臺榭暝還飛，同遊館閣城南道。
拂面狂吟幾度歸。

霞綺

艷彩澄明天外落，赤城縹緲望中微。
光浮玉洞仙人掌，色染瑤池阿母衣。
朝傍孤雲催雨過，暮隨晴鳥向江飛。
仙家最有餐霞術，欲學長生何處依。

霜花

露下亭臯夜未闌，疑華積素共漫漫。
瓊葩艷色瑩

歷代詩選

遠明十咏

又八十

十一

歷代詩選 卷之十
瑤池冷粉。靨紅消玉。壁寒梅徑。醉歸和月。見梨
園歌罷。倚樓看遙。知仙客朝元處。一片清輝集
露盤

睡蝶

春條縈恨正依依。睡倚紅香。思欲迷。牆外不驚
飛絮起。窗前偏却小鶯啼。莊周曉夢成。寥寞金
谷春遊。益倦棲。解意東風。忽吹醒。尋芳人在畫
欄西

飛燕

飛燕來往野橋西。數里平蕪。綠漸齊。花徑泥香
嫩。雨濕綉窓風靜。怕簾低。巢成却擬歸來早。海
曠那堪。望去迷。感慨舊時王謝宅。空林殘日冷
嗚嗚

梅蕊

山逕荒涼雪滿枝。寒風吹冷轉參差。幽香暗結
黃昏後。淡月微明。半夜時。東閣不曾吟。裏見羅
浮空說。夢中期。更堪何處。成追憶。腸斷西樓玉
笛悲

白鴈

歷代詩選 卷一 詩
車門一詩
憶昨瀟湘倚棹時。蘆花深處見還稀。羣依露渚
涵空遠色淡秋旻。背月飛海客無心。那可狎江
鷗有伴恐忘機。蕭條莫遣寒風起。又帶晴霜向
北歸。

無絃琴

雅製何人敢擅名。碧梧枝老斷紋生。花邊不道
相如意。席上猶懷太古情。白雪陽春空有調。黑
河秋雨冷無聲。誰知陶令歸來日。別是風流一

遊絲

舊遊曾入桑間路。惹袖霑裾思未休。纖縷依微
煙外沒。羣珠蹙續雨中浮。晴牽草樹縈春恨。暝
倚花窗織夜愁。只恐驚風吹散去。殘絲零亂不
堪收。

李溥

幾度潺湲樹底過。淵澄會見瀉天河。氣蒸桃浪

水

紅翻錦色借湘裙綠染羅曲欄分來聽不盡長
溝流出恨偏多朝宗東泛滄溟遠萬里瀾漫接
巨波

塵

九衢蹤跡望微茫東海行聞久不揚偏集貧居
生范甌每隨清趣積虞床暝連花市輕燼綠秋
結沙場落日黃更憶凌波微月下寒侵羅襪暗
飄香

睡蝶

晴晝沈沈何處來香鬢粉翅欲低摧風驚柳絮
魂初斷日轉花陰夢未圓若個有情憐蠹豕因
濃無力怯鶯猜漆園感化應難憶料爾芳心未
肯灰

飛燕

年年來去爲誰忙偏戀晴春引興長楊柳池塘
窺日暖杏花門巷落泥香孤飛帶雨尋華屋雙
翼隨風過粉牆王謝舊遊雲海濶秋深離恨轉
淒涼

霞綺

長空絢彩麗春熙清旦呈祥冠日輝初訝鮫綃
橫海市還疑雲錦下天機輕盈映水驚魚躍散
亂隨風伴鷺飛更願靈華成五色爲君裁剪作
朝衣

霜花

鉛華露彩釀丰姿寒艷偏承造化私鴛尾雙圓
銀布粟鶴巢千片玉連枝稔綠青女施粧巧休
訝羲和馭日遲應與同雲爭獻瑞每符豐稔兆

時

梅魂

吟餘楚些夜初闌憶得香魂欲弔難素影暗憐
水骨瘦清容淡怯羽衣寒夢驚宋玉妝前斷怨
人羌胡笛裏殘幾度黃昏人靜後朦朧長對月
中看

白鴈

南來北往嘆長途重整霜翎泛五湖色映銀河
天共遠影分瑤島月同孤傳書度塞迷寒雪避

歷代詩選 卷一 詩
繳投荒點綠蒲。莫向蘆花深處宿。錯教鷗鷺夜
相呼。

無絃琴

獨抱孤桐欲理遲。裴回拂拭乏朱絲。謾誇蔡琰
知音夜。但悞陶潛得趣時。別鶴久違花下賞。離
鸞空負月中期。年來不習和鳴調。忽聽陽春動
所思。

遊絲

春來到處弄輕柔。縮霧縈煙不自由。情密暗牽

楊柳外。恨深偏繫杏梢頭。鶯梭引縵應難織。魚
餌投綸恐莫收。日暮風高摠飄泊。殘絲長送落
花愁。

朱珙

塵

聞說輕依弱草棲。曾沾花雨作香泥。錦筵舞罷
隨仙步。紫陌朝圓逐馬蹄。榮辱寸心應渴長。古
今浮世爲昏迷。長纓不染還須濯。莫道華簪是
辟犀。

霜花

青女鉛華和露調。殘妝洗却凍難消。光如銀粟
鋪官瓦。疑似瓊林積板橋。冷艷分隨朝日。泮寒
威不受。晚風飄稜稜。絕勝孤山雪。差並江梅綴
玉條。

梅魂

東風吹雪玉屏空。姑射仙姿杳莫逢。水魄飄零
空入夢。水香浮動竟無蹤。厭聞羌笛傳新恨。愁
對宮粧想舊容。惆悵西湖湖上路。空餘殘月夜

落溶

白鴈

漢使傳書事。惘然箏彈玉柱。怨商絃行。離露陣
迷湘浦。字斷銀鈎帶。楚煙汀鷺。錯呼慚獨立。沙
鷗悞認。狎羣眠蘆花。明月長爲主。自是來賓又
隔年。

睡蝶

栩栩芳心戀艷陽。宿迷春色獨憐香。韓生有恨
將魂斷。莊子多情入夢長。暖壓困濃貪晝靜。花

歷代詩選 卷一 詩
飄驚覺恠風狂低垂粉翅慵飛舞猶憶南華路
澹茫

無絃琴

柴桑人去杳無期名在孤桐世共推爲惜蛇紋
囊綠錦那將鴈足繫朱絲宮商有意空思憶鸞
鶴無聲久別離自是寸心諧古調微音寧與俗
人知

遊絲

吟對遊絲春晝寒紫花曳柳拂欄干雨線搖中

千莖亂風軸飄揚幾縷殘暗織鶯梭穿未得晴
牽蛛網結應難自慚華髮還堪比滿鏡蕭蕭不
忍看

鄧善

塵

簾外紛紛惹舞衣暗浮明鏡拂重幃牙床積處
沈香細羅襪生時獨步微南陌風飄花共散東
城天靜靄連飛誰知林下棲遲者獨掩衡茅爲
息機

唐詩選
卷之十
睡蝶

穿林採採日初昏，欲化莊生向漆園。
已被香雲邀入夢，不堪疎雨濕殘魂。
芳鬢半捲金纏縷，粉翅微開玉戛痕。
醒後更無梁苑思，只探花竹數家村。

梅魂

芳魂寂寂倚春魁，厭聽孤城畫角哀。
笛影空中尋月伴，衣香水上候風來。
曾臨東閣教詩興，更入羅浮徹夢回。
只恐清芬易消歇，惟餘玉骨在。

茗苔

白鴈

相呼相喚度衡湘，萬里排空曳粉光。
江上聯翩冰色淺，雨中嘹唳玉聲長。
蘆花伴影欺寒月，秋水翻翎勝早霜。
飛入上林霄漢近，也隨鷓鴣綴班行。

無絃琴

朱絃不具錦囊盛，幾度空攜月下行。
天水斷紋看有影，嶧陽焦尾聽無聲。
竹邊每恨徽金冷，石

唐詩選
卷之十
袁月十咏
文八十一
七

歷代詩選 卷之十一 鍾情
上空懷漱玉清只恐茂陵多病後那能一曲寄

遊絲

一髮風吹何處依溶溶曳曳舞輕微桑間向曉
新蚕吐池上先秋斷藕飛繫柳縷縈江客棹牽
花影落玉人機更看幾處殘絲細飄泊東西遊
子衣

郭廩

水

會憶閑居江上村多情日日繞衡門去來嗔帶
晴雲影瑩微寒蕪夜月魂迥接天河應不舍欲
觀滄海已難言何當借取仙槎便相與同尋禹
穴源

塵

一道空濛衆所猜宛疑陽至動飛灰貧居却厭
閑中滿浮世還從何處來迴逐風光飄紫陌寧
隨夜氣點靈臺舊遊蕭寺留題處紅袖那知拂
幾間

梅魂

永想清肌雪想容天寒那任倚香風淒涼每見
黃鐘後飄泊誰憐玉管中朝對西湖宜鏡水夜
歸東閣瑩房櫳逋仙逸興應難弔夢斷孤山月
色空

白鴈

楚雲湘水遶天涯幾度隨陽客路賒影落秋潭
宜桂魄身投暮渚並蘆花玉門霽雪將魂斷紫
塞晴風引字斜應想當年持節使窮荒南望更

霜花

豐山半夜動鐘時露結瓊花碧瓦滋天上曾聞
青女降人間應訝玉簪遺扶桑曙色偏相妬泰
華秋容宛更疑晴倚畫欄相對久淒淒應恨曉
風吹

霞綺

東望扶桑拂曙紅參差罅影五雲同千尋濯水
流文采一片經天賴化工氣繞赤城紅樹合光

歷代詩選 卷之十一 詩
涵銀浦錦屏空。何當收拾成佳製。會見萊衣戲
曉風

飛燕

弱羽參差翠黛寒。飛來飛去畫梁間。池塘影拂
蒲風落。林巷身沾杏雨還。出戶誰憐嬌客在。入
樓應識美人閑。烏衣故國知何處。萬里蒼茫海上
上山

無絃琴

梧桐一片鎖清秋。雲水空餘爽氣浮。楚瑟聲沈

江月白。吳絲影斷曉星流。歸來陶徑開新調。病
起文園掩舊愁。更羨衡門公暇日。陽春有曲愧
難酬

遊絲

清晝沈沈淑景遲。空中萬縷總堪疑。青樓偏惹
羈人恨。銀漢空懷織女知。鳥外迎風縈草帶。簾
前曳日綴花枝。于今好入經綸手。莫作江臯一
釣絲

余旭

歷代詩選

袁門十詠

又八十一

十三

塵

紛紛浮世暝霏霏來往長看滿客衣
驛路每隨香霧起沙堤長逐朔風飛
丹砂功就應難染明鏡臺空已覺非
自愧半生飄泊跡疇能爲我息斯機

霜花

鉛華積素瑩娟娟布粟成花有底妍
萬點珠星凝碧瓦千枝粉幹綴銀牋
江橋曙色迷行騎草塞寒光接遠天
自是南琛風景薄若爲佳瑞兆

五年

梅魂

春早幽尋雪未乾冰肌寒賴月中寒
魄依東閣吟邊返影落孤山夢裏殘
怨斷宮妝嗟別久曲終羞笛弔歸難
幾回憶得羅浮事醉舞東風更倚欄

白鴻

傳書曾聽渡金河萬里霜翎帶雪過
夜傍星橋珠錯落朝飛露渚玉婆娑
橫江影動滄波白背

袁月十

袁月十

文八

十三

歷代詩選 韓甲一詩

月輝澄素練多莫道衡陽歸路杳海天風景易
蹉跎

睡蝶

暝宿園林晝日長芳心冉冉惜餘光不禁澗底
風泉冷偏愛花間露葉香夢怯林鶯啼上苑魂
隨野草落荒塘未知曾見莊生否懶却尋香過
畫牆

無絃琴

何人千里寄孤琴有軫無絃恨轉深花落不

流水調月明空憶越江吟久慚石上難留與
負燈前獨賞心遙憶伯牙千載後惟君與我是
知音

遊絲

弄影晴空處處奇輕浮偏住落花枝千經暗織
春情懶萬縷明紫晝景遲帶雨依微牽露網因
風掛屬藉蛛絲何人爲報天孫道欲製雲綃得
幾時

石倉十二代詩選

明詩卷之又八

歷代詩選

袁月

永

又八十一

古

